

## KAIAKUAPISHKASHT KA ISHKUATET

Ishpashtien Nuna

Kaiakuapishkasht ne inanu, ishinikateu ne kapatakan. Aitu anite tananu, nete matapananit takuan inanu. Mishta-tshishashteu inanu. Nana Tshishenniu-Atuanipan eukuan tsheshenniut.

Ek<sup>u</sup> eshkuatet anite, nete tetaut miam kapatakanit, apitu-kapatakanit ekute eshkuatet. Ek<sup>u</sup> nasht kuetu itinanu kie apu takuak anite meshikamat nipi. Ek<sup>u</sup> eukuan ne shatshimakanit itakanu.

— Eka tshika unuinou, nin nika naten, iteu itakanu nenu shatshimakanit.

Eukuan kueshapatak tanite, ekue itutet itakanu nete.

— Eka tshika unuinou, eka auen tshika unuiu, iteu. Kassinu auassat tshika pitukaiauauat.

Ekue pitukaiakaniht tapue kassinu auassat ek<sup>u</sup> uin etutet. Mishta-tshishashteu inanu, shash nutim tshipa nipaikupanat.

Ek<sup>u</sup> shiatshimakanit ne, kuieshtashkak itakanu. Kueshtashkamutshe kanapua itakanu muk<sup>u</sup> nemenu etutet, kau ekue takushinit. Ekue ashuapatakanit tanite tshetshi ishkuatet anite uiesh : mauat. Ekue tshitu ashtuet inanu. Eukuan eshkukatenit nenu ka ishpish itutet. Nasht apu anite uiesh ishkuteut inanu. « Anite ma eshinakushiht », iteu itakanu, « anitshenat kaiashtuaitsheshiht. » Tan itashinitsheni nenua ukaiashtuaitsheshima ?

— Eku ma natamuk<sup>u</sup> ! iteu.

Eukuannu niatakanit nana, ishkuteu nasht ashtueu.

Eukuan eshkuapetshishit.